

中華民國二十二年十二月十八號
行政公署政報處發行

湖南政報

本報價目

一本報按照陽歷每日出報一本
一分每月收回大洋六角
零售每分銅元三枚

一外埠購報郵費以購報之多寡酌加
一夫役送報如有遺漏請即函告以便補發

長沙育嬰街宏文社印刷

目錄

命令

省令

都督兼民政長令 六則

公電

本省發電

都督兼民政長致岳州釐金局電

都督兼民政長致武昌段都督電

都督兼民政長致永州零陵知事電

都督兼民政長致南昌李都督各省都督民政長

電

都督兼民政長致永州知事電

各屬來電

靖縣知事呈 都督兼民政長電

永州知事呈 都督兼民政長電

零陵知事呈 都督兼民政長電

各省來電

吉林孟護軍使致南京安慶長沙都督民政長電

南京張都督致 大總統國務院各省都督民政

長電

武昌呂署民政長致各省都督民政長鎮守使電

代行湖北都督金致長沙都督電

南昌李都督致各省都督民政長電

公文

都督兼民政長函教育部核准司法研究所改爲

湖南公立法律學校一案文

專件

湖南全省商礦統計表 續完

命令

大總統令

任命李經羲爲政治會議議長此令

特派楊士琦饒漢祥爲政治會議委員此令

張廣建加陸軍上將銜此令

署湖北民政長饒漢祥電請辭職饒漢祥准免署任此令

任命呂調元署湖北民政長此令

任命志琦爲正藍旗滿洲都統此令

陳光遠給予二等文虎章此令

伍祥鎮給予二等文虎章此令

任命業濟爲豫南觀察使此令

任命王荃本兼湖北財政司長此令

河南南陽鎮總兵田作霖信用劣紳聲名平常著即褫職此令

任命高文貴署理河南南陽鎮總兵此令

三等承恩公桂祥翊贊共和有功大局茲聞溘逝悼惜殊深著照陸軍上將例給恤派員前往致祭並賜銀叁千兩治喪以慰忠魂而示優異此令

李培勳授爲陸軍少將此令

財政總長熊希齡呈稱湖北國稅廳籌備處處長黎澍呈請辭職黎澍准免本官此令

任命王荃本爲湖北國稅廳籌備處處長此令
軍興以來各地方秩序未寧爲暫時維持之計或有資於軍事裁判今司法已設專官軍民亦均分治自宜劃清界限尊重法權乃昨據陸軍部呈稱山西河東鎮守使董崇仁有收受人民張拱娃控訴案件及審理該處檢察長閻秉真家吸煙情事請按照陸軍懲罰令第四十八條三十一款誤用職權之犯行從嚴申誡等情應照該部傳令申誡並通令京外各軍隊長官務宜恪遵軍紀毋得誤用職權妄事干預此令

國務總理熊希齡內務總長朱啓鈞呈據署直隸民政長轉據天津警察廳長楊以德呈稱本廳科長丁其慰呈請辭職丁其慰准免本官此令

國務總理熊希齡內務總長朱啓鈞呈據署直隸民政長轉據天津警察廳長楊以德呈請任命李隸良爲天津警察廳科長應照准此令

司法總長梁啓超呈請任命江忠章署江蘇第一高等檢察分廳檢察官應照准此令

省令

都督兼民政長令

令 各司 警廳 各道 各縣知事

案奉內務部訓令開內務為行政重要部分範圍至廣權衡張弛關繫匪輕治理隆污尤徵國勢迺者瘡痍未復建設方新緬維紀綱法度之繁宜籌畫一整齊之道本部為策勵進行起見編纂內務公報凡關於內務之法令文牘及譯著學說悉為輯載每月出版一冊分寄各省行政公署觀察使署警察廳署縣知事署及各邊行政長官署閱看俾所屬行政官吏曉然於發號施令之指歸可以利施行而祛壅塞庶幾振興淬厲漸進共和郵治之隆本部總攬厥成實殷歧望除分別郵寄外為此令行該民政長轉行遵照此令等因奉此合就令行仰該 司 廳 道 知事 即便遵照此令

湖南民
政長印

中華民國二年十一月二十日

都督兼民政長令

令各縣知事

案准高等檢察廳函開案據武岡地方檢察廳呈開案查在逃人犯廖鈔蚩仔廖代武廖方氏

三名因夥同已獲判決之廖振望行竊事主尹卿炳家財物由本廳提起公訴本年九月二十五日同級審廳闕席判決宣告同依暫行新刑律第三百六十八條第二欸各處三等有期徒刑三年上訴期滿判決確定屢緝未獲計必遠颺除分別咨行警務公所初級檢廳隨時查緝外理合呈請鈞廳通飭所屬一體查獲歸案執行等因據此除函致各省高等檢察廳及令行各屬檢察廳一體通緝外相應函請貴府查照轉飭所屬一體通緝至緝公誼此致等因准此除分行外合亟令行該縣即便遵照嚴緝務獲歸案懲辦切切此令

計開應緝逸犯三名

廖鈔蚩仔年約四十餘歲

廖代武年約二十餘歲

廖方氏年約三十餘歲

均武岡縣沙藍團人

湖南民
政長印

中華民國二年十一月二十一日

都督兼民政長令

令財政司

案准長沙關監督兼湖南交涉員公函內開案准前都督兼民政長譚函開交涉使獨立經費一案昨經函復貴都督請如數撥還以便交代等因未准據復本年本署八月份關署經費部處核定僅發給十三日所有交涉使支出之經費現仍虛懸無着如貴都督認爲此款應歸中央即請貴都督電達部處令知本署准其由中央經費支銷如貴都督認爲此款應歸湖南即請貴都督如數從速撥下本監督交卸在即應請查照從速施行俾清交代不勝感盼等因據此查此項經費既屬虛懸自應由財政司撥發俾清交代除函知審計分處並行財政司查照外相應函復維希察照等因准此查此款曾由張前監督虛懸賬內移交前來當經敝監督函知前財政司查照撥發未准據覆本月三日又經函請貴都督兼民政長查照前案計湘平銀八百六十五兩三錢三分三厘三毫銀元九百零二元六角七分飭司從速撥發以清欸目迄今未准據覆查此款既經前都督兼民政長譚函復允准飭司撥還復經張前監督移交前來敝監督未便久懸賬內如貴都督兼民政長以爲此款不應撥還即請明白見覆如都督兼民政長以爲此款應即撥還即請飭司從速發下以便報部至緝公誼此致等因准此查此款業經譚前督承認由財政司撥還有案除函請審計分處核明函司撥還外爲此令仰該司即便查照辦理具覆此令

湖南民
政長印

中華民國二年十二月二日

都督兼民政長令

令內務司

案奉 大總統勅日電令內開賭博之害小則廢時失事大則蕩產傾家損人精神短人志氣其澆風所被能使廉者陷於貧民慎者化爲詐僞而奸盜戕殺之案亦往往因而發生博稽中外法規莫不懸爲厲禁乃自前清之季牌賭盛行固由有司之教導無方亦因朝貴官曹恣情賭博上行下效相習爲常積習既深難於挽救今者民國肇造正宜滌瑕蕩穢咸與維新乃聞不肖官吏博塞流連仍未能悉祛舊習實堪痛恨當此建設伊始百廢待興在職各員雖夙夜勤勉猶虞弗及即使自公退食偶有餘暇亦宜詮鏡典章講求學術凡屬進德修業之事莫非怡情養性之資何得相率銖婢有愆踐履本大總統行法自近疾惡如仇以爲不革賭風則民生無由而厚若非嚴儆有位則賭風無由而清應由內務部責成京師警察廳暨步軍統領衙門隨時查禁偵捕並由陸軍部分飭憲兵協同查拏遇有聚賭情事無論何項人等立即認真拿辦按法究治並將所賭財物撥充賞項在京各衙門官長均應督察所屬犯者嚴予褫究各省民政長亦一律如令辦理自此次嚴令之後須知賭博犯罪律有明文禁令森嚴不容嘗試務當束身圭璧力戒前非既以免踰閑蕩檢之譏即以策易俗移風之效令申所布其各懷遵此令等因奉此除行警察廳隨時飭警偵捕暨通行文武各官廳一體遵照查禁外爲此令仰

該司即便遵照認真辦理此令

湖南民
政長印

中華民國二年十二月初四日

都督兼民政長令

令教育司

案准教育部咨開爲咨行事據湖南教育司呈稱據籌邊會湘支部部長甯坤呈請設立籌邊學校准予立案等情除將簡章存印發外理合呈請鈞部察核批示等因並簡章前來查籌邊學校係以造就蒙藏邊地人才爲宗旨不在本部規定學校系統之內該校所請應毋庸置議相應咨覆貴民政長希即轉飭遵照可也此咨等因准此爲此令行該司即便轉飭遵照此令

湖南民
政長印

中華民國二年十二月四日

都督兼民政長令

令實業司

案准農林部咨開爲咨行事案查民國四年正月爲美國巴拿馬運河開通之期於時開辦紀

念萬國博覽大會此事爲世界各國所注目關係至重吾國於此次賽會對內對外兩方面均有重要關係其關於此次與賽物品尤以農業爲至繁博除森林畜牧各項尙可隨時徵集外如蠶絲農藝各物品亟應逐類預爲籌備免誤時期致難徵集茲將此項赴賽物品另擬徵集條例一分檢同本部譯印巴拿馬博覽會農品赴賽須知一冊相應咨行貴民政長查照轉飭所屬各農業機關一體遵辦可也此咨並發徵集條例一分農品赴賽須知一冊等因准此爲此令仰該司即便遵照辦理仍將辦理情形具報併將發來徵集條例農品赴賽須知隨繳備案此令

計發徵集條例一分農品赴賽須知一冊仍繳

湖南民
政長印

中華民國二年十二月四日

公電

本省發電

都督兼民政長致岳州釐金局電

岳州釐局准代行湖北都督事金真電內開鄂水警在岳購米四十餘石已飭查明確係軍食因未奉阻禁命令是以未領護照請轉飭放行等因除電復外仰該局即便遵照放行如該船戶藉此夾帶應予懲罰此後查有無護照之米船仍應扣留呈報切切都督湯寒印

都督兼民政長致武昌段都督電

武昌段都督鈞鑒前接金參謀長真電鄂水警在岳購運兵米四十餘石囑飭岳局放行等因當即電飭該局遵辦矣謹復薊銘叩寒印

都督兼民政長致永州零陵知事電

永州零陵知事真電悉該縣應發休金其已發銀者毋庸照市價補給未領各官兵仍遵各電辦理可也都督湯寒印

都督兼民政長致南昌李都督各省都督民政長電

急南昌李都督各省都督民政長鑒湘省現甚安靖堪紓厯系貴省情形若何望隨時賜示湯薊銘叩刪

都督兼民政長致永州知事電

永州知事覽真電悉前督譚通令公債以發票之次日起息查債票係元年十二月一號發行前繳之款應於發行次日起息後繳之款按月扣除都督元印

各屬來電

靖縣知事呈 都督兼民政長電

長沙都督鈞鑒鈞府江電敬悉餉捐早遵前電截收其已解未解數目捐戶公債票報冊已派員實呈祇領靖縣知事余維翰尤叩

永州知事呈 都督兼民政長電

長沙都督鈞鑒零陵餉捐債票於本年六月領到查各捐戶捐款均係元年繳清本期息金可否照數全給乞電示遵永州知事燦真印

零陵知事呈 都督兼民政長電

長沙都督鑒冬灰兩電敬悉零陵本季應發休金前奉禱電業經遵發銀兩將次發竣惟永支店銀價每兩僅換銅元一千零三十文應否補給錢七十文乞電示遵知事燦叩真印

各省來電

吉林孟護軍使致南京安慶長沙都督民政長電

南京安慶長沙都督民政長鑒吉林陸軍小學二四兩期畢業生現因卒學無期恐致荒廢已遵部電商准奉天都督循從前兩省合辦之議就奉垣學兵營舊垣作該小學補習校舍定於本年陽歷十二月十五日開學所有前在吉林校畢業應送補習各生計江蘇省四名一徐祖詒籍隸昆山一周洽禮趙廷陞姜書紳均籍隸鹽城安徽省四名一藍騰蛟張良駿籍隸桐城一朱克智龔聲鼓籍隸廬江湖南省三名一周伯仁籍隸祁陽一楊正治籍隸南洲一周啓鐸籍隸長沙希即電令各該縣傳知各該生即日起程逕赴奉校投到補習至晚以本年陽歷年終爲限逾期不收請囑各該生幸勿自悞爲盼代行都督吉林護軍使孟恩遠寒印

南京張都督致 大總統國務院各省都督民政長電

北京 大總統鈞鑒國務院各省都督民政長宣撫使鎮守使護軍使公鑒寧垣安堵如常報紙所載不靖之說全屬子虛且恐亂黨授意造謠故聳聞聽除函請上海交涉使飭令更正究詰外謹此電聞江蘇都督張勳寒印

武昌呂署民政長致各省都督民政長鎮守使電

各省都督民政長鎮守使鈞鑒奉國務院文電本月十二日奉 大總統令任命調元署湖北民政長遵於十四日到署任事謹此電聞著湖北民政長呂調元鹽印

代行湖北都督金致長沙都督電

長沙湯都督鑒前准十一月勘電鄂水警在岳運米一案當即令行水警總廳飭查去後茲據該廳長何錫蕃復呈此次購運湘米四十餘石確係軍食因未奉阻禁命令是以未領護照請電湘省轉飭放行嗣後如遇阻禁期內仍遵禁令辦理等情據此除令照准外希即轉飭岳局驗放實懇公誼代行湖北都督金永炎真印

南昌李都督致各省都督民政長電

特各省都督民政長鑒贛省近甚安謐貴省情形如何望賜教爲禱李純願印

公文

都督兼民政長函教育部核准司法研究所改爲湖南公立法律學校一案文

案據湘省司法籌備處張遂呈稱案查前司法司洪司長榮圻爲養成司法人才起見在省城設立湖南公立法律學校前經本處將該校辦理情形並將該校別科甲班畢業各生造具名冊呈由鈞府分咨教育司法兩部備案去後據該校銀前校長文煥由京函稱本校別科甲班報部畢業頃因部案卷帙甚多一時難於稽核刻尙未奉批准等語據此查湖南公立法律學校別科甲班係前清官立司法研究所原定三年畢業前司舊案歷歷可稽該所於前清宣統二年七月開學即於是年十一月二十日由吳兼署湖南提法司慶坻將該所釐定辦法章程暨教職學員一覽表詳請湖南巡撫楊分咨法學兩部立案去後旋於是年十一月二十九日奉湖南巡撫楊批開據詳已悉仰候咨部立案此繳章程表冊分別存送等因到司嗣於宣統三年六月該所學生以該所既定三年畢業研究所之名甚屬不合呈請更正當由袁署提法司學昌詳由湖南巡撫楊電部核示去後旋於是年六月十一日奉湖南巡撫楊札開爲札行事宣統三年六月初九日准法部電開支電悉司法研究所將來三年畢業仍照原案准與法官攷試希飭遵等因到本撫院准此除分行外合就札行札到該司即便遵照等因到司各在案是該所學生在前清時業已咨部核准立案並非一般無案可稽之學校可比民國反正後經湖南司法司洪司長榮圻因該所名實不合當即正名爲湖南公立法律學校將司法研究

所學生列爲別科甲班將前官立之臨時法官養成所改組辦法列爲別科乙班並新招別科丙班廣續開學授課惟當時軍事倉皇未及報部逮及本年六月由本處呈由鈞府咨部立案旋奉部批以本校未設本科辦法不合等因到處當即遵招法律本科一班業經分別取錄開學在案除將本科學生名冊另行呈報外所有本校別科甲班業經畢業各生理合呈請鈞府咨請教育部照成案迅賜批准並應請飭員檢查前清司法研究所舊案卷宗隨文咨送教育部以資攷證而昭核實再本處現既遵令取銷該校刻已改爲湖南公立法政專門學校從前預算已列入司法教育經費項下開支該校將來繼續辦理事宜自應仍歸高等審判廳暫行管轄再本校別科甲班畢業各生早請更名者除畢業名冊業已註載原名者外所有未載原名各生自應隨文聲明以備查核陳正鑾原名正鑿蔡嵩燾原名松濤鄔傳羲原名傳禧吳獻箴原名毓林李果原名調元合併聲明爲此呈請轉咨教育部核准施行此呈等情據此除批呈悉仰候備函抄案轉達教育部核辦可也此批等因印發外相應備函抄錄原案轉達貴部請煩查照酌核施行此致

教育部

專件

湖南全省商礦統計表

西路

(甲)已領開照者(續完)

縣名	地點	礦質	牌名	礦商姓名	領照年月
澧縣	太清山	鐵	恒豐	李耀庚	宣統二年四月
沅陵	水田溪	錫	裕和	文孝良 黎烜圭	民國元年十一月
沅陵	南山木鋪邊	煤	裕通	余欽悌	民國元年十二月
沅陵	土地坳	錫	滙通	吳樹庭	民國二年一月
慈利	界牌峪	雄黃	雄厚	王與楫	民國二年一月
沅陵	牛婆溪	錫	寶興	鍾柳泉	民國二年三月
慈利	兩合口	硫磺	富楚	莫兆辛	民國二年四月
慈利	泥巴灣	硫磺	惠豐	唐越異	民國二年九月
辰溪	船兒灣東流	煤	震發		民國二年十月
慈利	茶店壩下水	雄黃	溥利	毛鴻勳	民國二年十一月
平江	爐頭壩	鉛	久大	吳樹庭	民國二年七月
辰溪	源隆門	煤	震發		民國二年二月

(乙)已領勘照者

縣名	地點	礦質	牌名	礦商姓名	領照年月
會同	小水溪		和濟	陳 璽	民國元年六月
晃縣	吉星壘	鐵	寶善	楊永泰	民國元年十月
平江	板口彭家園	煤		陳開元	民國元年十二月
慈利	托柴灣	磺	美利	劉佐君	民國二年四月
臨湘	廟坡	鉛	瑞昌	鮑嵩泰	民國二年四月
辰谿	蔣家灣	錫	寶隆	李錦章	民國二年五月
溆浦	泥潭冲	錫	華興	鄒士縉	民國二年八月
辰谿	銅冲門	銅	寶和	游盛時	民國二年十月
溆浦	岩屋排		華林	張作仁	民國二年十一月
臨湘	丁家阪之象形 <small>獅形 馬鞍</small> 三山	鉛	裕利	龔承祖	民國二年十一月
辰谿	螃蟹嶺	銅	寶和	游盛時	民國二年十月